



RECIT

*Eus ar maleur horruhl digüezet gant an drivet
bataillon eus an unnecvet regimant leger o tre-
men pont orjal Anger, vardro unnec heur ánter
eus ar mintin, ar meurs 16 eus a vis ebrel 1850.*

(Calz a Vretonet a voa en o zoues.)

Var ton Cantic Christ bras ar Vur.

O Doue! Mestr souveren, Doue trugarezus,
Deut d'am c'helen, me ho ped, var eun darvoud
eüzus...

Eul lincel a gaon, allas! zo stignet var ar Franç!
Eannoc'h hepgen, va Doue, e mâ hon esperanç.

Abaoue darvoud eüzus eus ar Berezina,
Ne glêvjot, dre c'hraç Doue, comz demeus eus
seurt tra;

Mes ar mateur diyeza a zigas sonj outz se,
Hac a-ra strael' pep calon ha fraitta peb ene.

Va breudeur qer Bretonet, demeus a bep
contre,
Deut da guemesq ho taelou hirio gant ya re-me ;
Deut da zelaou eur recit gant calz antantion ,
Zo eur sujet a c'hlac'har da bep christen güirion.

D'armeurs, c'hoezec a ebrel, en un haut qent
creiz-de,
Er guær demeus a Anger calz a dud a rede
Da velet oc'h ñruout an drivet bataillon
Eus an unnocvet leger, ar joa es oc'halon.

Eur pont hir bras neud orjat a voa da basseal,
Ha qerqent ar vataillon zo ñt varnàn ractal.
An avel a vor spontus, ober a nê glao bras,
Ar rivier voa furorus ha terrubl he fourgas.

Er penn eus ar vataillon voa'n tabourinerien,
Ar saperien, ar music, hac ar voltijerien ;
A boan o d'oe ar re-mâ quittèt diyar ar pont,
Ma clêvjot criadennou a gargue oll a spont.

Eur strael ar sponronnussa a voe ractal clêvet :
Penn ar pont zo diframmet gant stronç ar zou-
dardet,
Ha prim vel eul luc'heden eo coeet gant furor...
O va Doue benignet ! ô ua goassa horror !



Dre ma coee ar re aroc en dour a rencadour,
 Rencou all a ziruille var ar vayonetezou,
 Hac ar c'hoatach eus ar pont a goee varneze,
 A rê dê en fonç an dour caout ar maro neuze.

Rac ar pont voa aur pez, evel eursqueul harpet :
 Ar penn d'an nec'h na elle dele'bel mirden abet.
 Ar penn d'an traon, dizac'bet, voa en fonç ar
 rivier.

O Doue, pebes arvest ha pebes dizesper !

Ne allent qet, an dud paour, miret dont da
 vervel

Pe var bayonetezou p'en dour : ô stat cruel !
 Ar c'hri hac an dizesper a voa eno dre oll,
 O velet qement a dud eno ouz en em goll.

Ar renc direa voa tost da benn ar pont chomet,
 O vont adre prontamant int en em sovetet :
 Er pas hep qen, hac e voant diruillet er rivier,
 Evel, maleürusamant, o c'hamaradet qer.

Oll habitantet Anger zo diredet eno
 Evit sicour an dud paour d'achap ouz ar maro.
 Courach, Angevianis ! courach, tud jenerus !
 Doue a recompance hoc'h astou vertuzus.

En em gavet zo ive calz a seurezet-gris,
 Goaset, graguez, bugale, ha nombr tud a ilis :

Ar-re-mâ' n'em zivouisqe eus o zoutanennou
Da c'holo an dud blesset gant ar brassa soignou.

Côlhejou, orillerou, tapissou ha dillat
A zigasset d'an dud paour a ellet sovetat:
An oll en em ampresse gant ar brassa sourci
Da gass gante an dud qez da soigni en o zi..

Ar vagueyer gant courach a yê a bep coste
Gant bagou da zovetat an dud qez a veuze.
Eürus voent, dre c'hraç Doue, mes gant calz
poan eno,
Evit dont da breservi nombr tud eus ar maro..

A vernou' ruill an dud paour, treinet dre nerz
an dour,
Crappet an eil d'eguille, o crial d'o zicour;
Mes fourgas ar goaguennou a zepar aneze,
Hac e zint a nebeudou, allas! beuzet neuze.

Sônjit er maleur horrubl, va bredeur chris-
tenien:-
An nombr eus ar re veuzet zo-tost da dri o'hant-
den!!!..

Sônjit iyez er glac'har zo en o famillou:
Ar Franç oll a die qemer calz pers en o c'hanvou,
Impossubl eo niveri-an actou jenerus.
O deus bet lec'h en andret an dud qer maleürus:
An oll voa leun a galon evit donguen sicour
D'an dud voa a vandennou treinet gant nerz an-
dour.

Gouscoude na ellomp qet dont da devel amâ
 Actionou a gourach zo deus ar re gaera :.
 Mont a reomp-ta bremâ da rêi d'anaveout,
 Ar re ar principala hon eus ellet gouzout.

Eur zoudard courajus bras eus ar re sovetet,
 Qerqent var bord ar rivier zo en em divouisqet,
 Hac en deus saillet buan ebars en dour neuze,
 Ha da galz e vignonet e rentas ar vue.

Eun toqer eus a Anger, Turgis en e hanver,
 En em stlapas er rivier, hep aoun rac an danjer,
 Hac en deus sovetaet, dre ar boneur brassa,
 Calz a dud voa var ar poent eno da berissa.

An autrou Loup, letanant, en deveus sovetet
 Deg den demeus ar maro, a voa cazi heuzet;
 Ar jandarm, hanvet ar Reinch, pemzeca zovetas,
 Hac eun tabourinér-mestr, pemp, dre eur bo-
 neur bras.

An autrou Rousseau, calve, en deus seiz so-
 velet,
 Hac ar bagueur Perutier en e vag tri tennet;
 Eur martolod a-bos daouzeo prest var ribl ar
 rivier,
 Hac eur plac yaouanc a drap en dour un officer.

Ar jandarm hanvet Briqet, en eur vag antreet,
 Ha croc stard endro dezi calz tud disesperet.

A ra e oll effortchou vit er vag o zenna,
 Mes an dour voa furoret : tel eo dè perissa!...

Eur gantinierez ive deus an dour zo tennet,
 Mes e daou buguelic paour, si voas, a zo beuzet!
 Anfin, oll, bras ha bian voat eno courajus
 Da rêi ar brassa siccour d'an oll dud maleürus.

An officerien Dore (1), Collez ha Carrette,
 Forguez, ar Bries ive zo privet a vue;
 Ar porte-drapo, allas! a zo ive beuzet
 En eur dero' hel e zrapo en e zaouarn serret.

An drivac'h à vis ebrel peguement e voa cri
 Güelet cant pêvar-uguent soudard da entèri!...
 Seiz chariot varnuguent carguet a dud beuzet:
 Ar spouron en peb calon voa eno antreet.

Oll bêleyen eus ar vro voa en antèrac'ant;
 An oll autoriteou a voa ive presant,
 Presidant ar Republic ha ministr ar brezel,
 Hac eun niver bras a dud hac a dost hac a bell.

An oll stadiou en Anger en deiz-se' voa bertet;
 Ne velet a bep coste nemet tud glac'haret.
 Calz a o'braguez a veljet o voueta stanc ha drouz,
 O sonjal en familhou an dud qez maleürus.

Er plac m'eo bet ar maleur e devoa ar rivier
 Peur-gomunamant atao trégont troatad doun-
 der,

(1) Dore, Breiziad, gwinidic eus Gcengamp.

Hac ar pont tri-c'hant troatad hirdet a uz d'an
dour :

Penos-eta achappi? penos caout nep sicour?

Cant-tri-uguent den a zo en hospital, sivoas,
Mes cavet vo a greder corfou tud benzet c'hoas :
An dour, hep mar, a dolo souden var ar riblou
Demeusan dud maleürus calz demeus a garfou.

Presidant ar Republic en hospital zo bet
O visita'r zoudardet a voa bet sovetet,
Hac e zeo bet generus ebars en o andret ;
Ar peza zouças o foan d'ar paour qez tud blesset.

Daou devez goude'r maleur voa en em ras-
samblet

En eur c'hourt bras a Anger ar re yac'h sovetet :
Neuze voe grêt an appel ; mes allas ! va Doue,
Arrencou avoa goal sclêr : an darn vras a vanqe.

Gant pebes carante vras eno ar zoudardet
A boc an eil d'eguilfe, carguet a denerdet !
O daoulagad leun daelou, e lavarent neuze :
Camaradet ! mignonet ! rentomp graç da Zoue.

En oll guæriou hac ive en oll rejimant chou
E vo, hep dale nemeur, grêt souscriptionou
Evit souten familhou an dud qez maleürus :
Ni ive ta, Bretonet, bezomp oll jenerus.

Entrezomp-ni, Bretonet, atao güir gristen-
nien,
Adressomp oll da Zoue hirio peb a beden
Evit an dud maleürus zo preiz d'eur maro cris,
Ha lavaromp evite pep a *De profundis*.

O va Zalver adorabl! recevit da repos
Ar victimoù maleürus en gloaf ho Parados;
Grit rën en o famillou ar gonsolation,
Hac en hor brô guera a'françar peoc'h, an union.

F I N.



E Montreutez, e ty LEDAN, Impr.-Libter.